



ეკონომიკისა და მდგრადი განვითარების სამინისტრო

შპს პირთა უფლებების დაცვის ხელშეწყობა და სისტემური
გარანტიების შექმნა

2024 წელს განხორციელებული აქტივობების შესახებ ანგარიში

ივნისი, 2025

2024 წელს, საქართველოს ეკონომიკისა და მდგრადი განვითარების სამინისტრომ დაამტკიცა სამოქმედო გეგმა “საქართველოს ეკონომიკისა და მდგრადი განვითარების სამინისტროს მიერ, შპმ პირთა უფლებების დაცვის ხელშეწყობა და სისტემური გარანტიების შექმნა”, რომლის ფარგლებშიც განხორციელდა არაერთი ღონისძიება სახელმწიფო პროგრამებში შპმ პირთა ჩართულობის ხელშეწყობის, სხვადასხვა სახის ინფრასტრუქტურის ხელმისაწვდომობის უზრუნველყოფის, ელექტრონული კომუნიკაციის მომსახურებების მისაწვდომობისა და ცნობიერების ამაღლების მიმართულებით.

საანგარიშო პერიოდში, საქართველოს ეკონომიკისა და მდგრადი განვითარების სამინისტროს ჩართულობით, უნივერსალური სატელეკომუნიკაციო მომსახურების დანერგვის მიზნით, ევროპის ელექტრონული კომუნიკაციების კოდექსის (2018/1972 დირექტივის) შესაბამისად, **მომზადებულია კანონის პროექტი "ელექტრონული კომუნიკაციების შესახებ საქართველოს კანონში ცვლილებების შეტანის შესახებ"**. უნივერსალური მომსახურების დანერგვის მიზანია უზრუნველყოს მოსახლეობისათვის სატელეკომუნიკაციო მომსახურებების ეკონომიკური და ფიზიკური ხელმისაწვდომობა, აღნიშნული ასევე, მოიცავს შპმ პირების ელექტრონული კომუნიკაციების მომსახურებებზე წვდომის უზრუნველყოფის მიმართულებას.

შპმ პირებისათვის საკონსულტაციო სერვისებზე ხელმისაწვდომობის ზრდის გაუმჯობესების მიზნით, აღსანიშნავია, რომ 2024 წლიდან, საქართველოს ეკონომიკისა და მდგრადი განვითარების სამინისტროს სსიპ "აწარმოე საქართველოს" საკონსულტაციო ცენტრებში, იმ კომპანიებს, რომელთა 50%-ზე მეტი წილის მესაკუთრე არის საქართველოს მთავრობის 2012 წლის 23 ივლისის N279 დადგენილებით გათვალისწინებული სოციალური პაკეტის მიმღები **შეზღუდული შესაძლებლობის მქონე პირი, აქვთ შესაძლებლობა ისარგებლონ დამატებით სააგენტოს თანამონაწილეობის პროცენტის 5%-ით გაზრდით (თუმცა არაუმეტეს 95%)**.

2024 წლის მარტში, საქართველოს ეკონომიკისა და მდგრადი განვითარების სამინისტროს სსიპ „ტურიზმის ეროვნული ადმინისტრაციის“ ორგანიზებით, განახორციელდა **ტრენინგი „ინკლუზიური ტურები და მისაწვდომი სერვისები შპმ პირთათვის“** შემდეგ რეგიონებში: თბილისი, გორი, კასპი, თელავი, ქუთაისი, წყალტუბო, ზუგდიდი, ამბროლაური, ონსა და ახალციხეში. აღნიშნული ტრენინგის ფარგლებში, ჯამში გადამზადდა ტურიზმის სექტორში დასაქმებული 300 პირი.

აღსანიშნავია, რომ 2024 წლის 18 ივნისს, სსიპ საქართველოს ინოვაციების და ტექნოლოგიების სააგენტომ ახმეტის მუნიციპალიტეტში, **შეზღუდული შესაძლებლობის მქონე პირებისთვის განახორციელა გრაფიკული დიზაინის შემსწავლელი კურსი** - "ერთად ყველაფერს შევძლებთ". აღნიშნულ პროექტში ჩაერთო 17 ბენეფიციარი, მათ შორის, 5 შპმ პირი. 2024 წლის 2 აგვისტოს, ოზურგეთის მუნიციპალიტეტში, სააგენტომ განახორციელა პროექტი - **„შეზღუდული შესაძლებლობები“**, რომლის ფარგლებშიც მონაწილეები გაეცნენ ოზურგეთის ტექნოპარკის პროგრამებს და ფაბლაბის შესაძლებლობებს. გადამზადებულ

ბენეფიციართაგან 7 შპს პირია. დამატებით, 2024 წლის 16 სექტემბერს, ზუგდიდის მუნიციპალიტეტში სააგენტომ განახორციელა პროექტი, **„შეზღუდული შესაძლებლობის მქონე პირები და ტექნოლოგიები“**. პროექტის ფარგლებში, მონაწილეებს ჩაუტარდათ პრეზენტაცია ტექნოლოგიების როლზე და ფაბლაბის შესაძლებლობებზე. გადამზადებულ ბენეფიციართა შორის არის 12 შპს პირი. ასევე, აღსანიშნავია, რომ სააგენტომ 2024 წლის 3 ივლისს, გურჯაანის ტექნოპარკში განახორციელა პროექტი - **„დაიწყე და განავითარე შენი ბიზნესი ფაბლაბთან ერთად“**, სადაც მონაწილეები გაეცნენ თანამედროვე სამრეწველო ტექნოლოგიებს და გაიარეს შესაბამისი ტრენინგები. აღნიშნულ პროექტში გადამზადებულ ბენეფიციართა შორის არის 12 შპს პირი.

საანგარიშო პერიოდში, ასევე, **განხორციელდა სს „საქართველოს რკინიგზის“ ვებ-გვერდზე და შესაბამის სისტემაში ეტლით მოსარგებლე პირების მიერ ბილეთების შეძენის ფუნქციონალის უზრუნველყოფა**. სისტემაში აღნიშნული საკითხი უკვე გათვალისწინებულია, ხოლო ვებ-გვერდით ბილეთების რეალიზაციის პროცესის დაწესებულება იგეგმება 2025 წლის მეორე კვარტალში. ასევე, აღსანიშნავია, რომ 2024 წლის განმავლობაში, მუშაობა მიმდინარეობდა მკვეთრად გამოხატული შპს პირისათვის (რომელსაც აღნიშნული სტატუსი დატანილი აქვს პირადობის მოწმობაზე) და მათი ასისტენტისათვის ერთი ბილეთის ფასად მგზავრობის შესაძლებლობის უზრუნველყოფის მიმართულებით. აღნიშნული მიზნით, საანგარიშო პერიოდში, გაიმართა სამუშაო შეხვედრები. მიმდინარე ეტაპზე, მუშავდება შპს პირებისა და მათი ასისტენტების გაბილეთიანების პროცესის სხვადასხვა სქემები. ზემოხსენებული ამოცანის შესრულების მნიშვნელოვან ფაქტორად განიხილება შესაბამისი უწყებებიდან შპს პირების ბაზების მოპოვების საკითხი.

2024 წელს, საქართველოს ეკონომიკისა და მდგრადი განვითარების სამინისტროს სსიპ სამოქალაქო ავიაციის სააგენტომ, **საქართველოს აეროპორტებში შპს პირთა უფლებების დაცვის მონიტორინგი განახორციელა**. შედეგად, შპს პირთა უფლებების დაცვის კუთხით, შემოწმდა საქართველოში არსებული ყველა მოქმედი აეროპორტი (3 საერთაშორისო - თბილისი, ბათუმი, ქუთაისი და 3 ადგილობრივი - მესტია, ამბროლაური, ნატანტარი).

ასევე, საანგარიშო პერიოდში, ქუთაისის საერთაშორისო აეროპორტში, სამოქალაქო ავიაციაში მოქმედი რეგულაციების შესაბამისად, შპს პირთა მომსახურების მიმართულებით, **გადამზადდა მგზავრთა და ბარგის მომსახურების სამსახურის 67 თანამშრომელი**.

დამატებით, გრძელდება აქტიური მუშაობა 2024 წლის გეგმით გათვალისწინებულ სხვა აქტივობებსა და ასევე, ახალ ღონისძიებებზე, რომლებიც საქართველოს ეკონომიკისა და მდგრადი განვითარების მინისტრის № 1-1/225 ბრძანებით დამტკიცებულ საქართველოს ეკონომიკისა და მდგრადი განვითარების სამინისტროს მიერ, შეზღუდული შესაძლებლობის მქონე პირთა უფლებების დაცვის ხელშეწყობისა და სისტემური გარანტიების შექმნის თაობაზე 2025 წლის სამოქმედო გეგმაში არის განსაზღვრული.